

Monti Gozzi

Di granitu splendurenti
Petra rossa cusì vechja
À l'iscontri di li venti
Induva lu soli si spechja

Milli foli è tisori
Da lu casteddu à lu stazzali
Trà pastori è signori
Quidda passata murtali

Locu cusì maestosu
Chì saluta la Gravona
Monti Gozzi luminosu
Dà un versu à sta canzona

Quandu vena u tempurali
Si piatta cum'è l'aceddu
Ind'un nidu naturali
Cù i nuli pà manteddu

O lu monti di granitu
Guardianu di lu circondu
A l'eternu sempr'arriittu
Biddezza di lu me mondu

Locu cusì maestosu
Chì saluta la Gravona
Monti Gozzi luminosu
Dà un versu à sta canzona

Tutti lochi quì vicinu
Ti salutani guardianu
Afà, Appiettu è l'aiaccinu
Ch'è tù vardii da supranu

Dolci hè lu chjam'è rispondi

Chè tù lampi pà sti sarri
E i cimi chì sò in fondu
Ti rispondani cù u mari

Locu cusì maestosu
Chì saluta la Gravona
Monti Gozzi luminosu
Dà un versu à sta canzona

Martinu Squarcini